



Cambridge IGCSE™

CANDIDATE
NAME

CENTRE
NUMBER

--	--	--	--	--

CANDIDATE
NUMBER

--	--	--	--



MALAY

0546/23

Paper 2 Reading

May/June 2021

1 hour

You must answer on the question paper.

No additional materials are needed.

INSTRUCTIONS

- Answer **all** questions.
- Use a black or dark blue pen.
- Write your name, centre number and candidate number in the boxes at the top of the page.
- Write your answer to each question in the space provided.
- Do **not** use an erasable pen or correction fluid.
- Do **not** write on any bar codes.

INFORMATION

- The total mark for this paper is 45.
- The number of marks for each question or part question is shown in brackets [].





This document has **16** pages. Any blank pages are indicated.

Bahagian 1

Latihan 1 Soalan 1–5

Baca soalan-soalan berikut. **Tanda** kotak jawapan yang betul.

1 Anda mahu makan sesuatu yang manis.

A				
B				
C				
D				





[1]

2 Iskandar mendapat hadiah yang dia suka. Dia

A	sedih
B	gembira
C	kecewa
D	marah

[1]

3 Anda simpan baju di sini.

A				
B				
C				
D				

[1]

4 Bilik Tom gelap sebab tidak ada ...

A laci

B katil

C kipas

D lampu

[1]

5 Adik tidak sihat. Dia pergi ke ...

A konsert

B muzium

C klinik







D perpustakaan

[1]

[Total: 5]

Latihan 2 Soalan 6–10

Lihat gambar-gambar berikut:



Tulis huruf yang betul (A, B, C, D, E atau F) di dalam kotak yang berkaitan.

6 Sam menaiki kenderaan ini ke Pulau Tioman.

7 Emma tidak boleh masuk bilik. Dia hilang ...

8 Burung hidup di dalam ...

9 Kamal simpan semua wangnya di dalam ...

10 Para pelajar makan di sini.

[Total: 5]

Latihan 3 Soalan 11–15

Idris menghantar e-mel ini kepada Farah. Baca e-mel berikut dengan teliti.

Hi Farah,

Kami sekeluarga akan pergi ke Pulau Pinang pada bulan September dan kami perlukan tempat tinggal untuk seminggu. Saya teringat awak memberitahu saya bahawa keluarga awak ada rumah banglo yang disewakan untuk pelawat. Boleh awak beritahu berapakah harga sewa rumah itu untuk seminggu?

Bapa dan adik saya, Laila, memang suka berenang di laut. Saya rasa rumah awak tidak jauh dari pantai. Kami juga ingin melawat tempat-tempat yang menarik dan bersejarah. Laila mahu melawat tempat-tempat ini sebab dia perlu menghabiskan projek sekolah tentang tempat-tempat bersejarah.

Baiklah, Farah. Jangan lupa beritahu saya.

Idris

Tanda kotak yang betul.

11 Idris akan bercuti dengan

A kawan-kawannya

B keluarganya

C guru-gurunya

[1]

12 Mereka akan tinggal di sana selama

A seminggu

B sebulan

C setahun

[1]

13 Rumah sewa keluarga Farah dekat dengan

A gunung

B ladang

C laut

[1]

14 Di pulau itu ada banyak tempat

A bersejarah

B berkhemah

C berpesta

[1]

15 Laila perlu melawat beberapa tempat untuk

A membeli-belah

B membuat kerja sekolah

C bertemu kawan-kawan

[1]

[Total: 5]

Bahagian 2

Latihan 1 Soalan 16–20

Baca maklumat berikut.

PENGGAMBARAN SEBUAH DOKUMENTARI DI KAMPUNG DUSUN

Kami adalah sebuah syarikat yang mengeluarkan dokumentari untuk televisyen. Bulan depan, kami akan berada di Kampung Dusun untuk membuat penggambaran dokumentari tentang kampung ini yang mempunyai sejarah menarik.

Kami memerlukan sebuah rumah lama, sebaik-baiknya di tepi sungai. Rumah ini mestilah sebuah rumah kayu.

Yang penting juga ialah orang yang boleh menyediakan makanan yang dihantar ke tempat kami membuat penggambaran. Kami akan berada di sekurang-kurangnya tiga lokasi penggambaran. Amat diharapkan bahawa cuaca baik selama kami berada di sana.

Syarikat kami juga memerlukan beberapa ekor binatang ternakan, seperti kambing dan lembu. Sila hubungi kami untuk mendapatkan maklumat lanjut.

Lengkapkan ayat-ayat berikut dengan perkataan Melayu yang sesuai di bawah.

sejarah	hutan	air	bulan
tahun	drama	bermain	haiwan
	penggambaran	kanak-kanak	

- 16 Penggambaran akan dibuat pada depan. [1]
- 17 Kampung Dusun ialah lokasi dokumentari [1]
- 18 Mereka memerlukan sebuah rumah lama di tepi [1]
- 19 Makanan mestilah dihantar ke tempat [1]
- 20 Syarikat ini juga memerlukan ternakan. [1]

[Total: 5]

Sila buka halaman untuk Latihan 2.

Latihan 2 Soalan 21–28

Baca blog di bawah, kemudian jawab soalan-soalan berikut dalam **Bahasa Melayu**.

Sebagaimana yang anda semua tahu, kandungan blog saya hanya tentang makanan tradisional yang terdapat di negara kita. Memang saya sangat minat untuk mengetahui tentang latar belakang dan sejarah di sebalik makanan-makanan ini.

Semalam, saya telah pergi ke Restoran Mawar yang baru dibuka di bandar ini. Restoran Mawar menawarkan makanan kampung.

Apa yang membuat saya begitu gembira ialah pertemuan yang tidak disangka dengan salah seorang cef terkenal di negara kita, iaitu Cef Ramzi. Beliau memang terkenal dengan masakan kampung. Saya peminat Cef Ramzi dan tidak akan lepas peluang menonton program masakannya di televisyen.

Semalam, Cef Ramzi telah dijemput sebagai tetamu khas untuk pembukaan rasmi restoran itu. Wah, saya terus merebut peluang untuk menemubual dan bergambar dengan Cef Ramzi.

Cef Ramzi, yang berasal dari Perlis, belajar memasak daripada neneknya yang memang terkenal sebagai orang yang masak makanan untuk kenduri dan majlis-majlis di kampungnya.

Setiap resipi ditulisnya dengan teliti. Malah dia juga telah mengeluarkan buku 'Air Tangan Nenekku' tentang masakan neneknya. Saya membawa buku itu untuk mendapatkan autograf Cef Ramzi.

Sebenarnya, tahun depan, saya juga akan memulakan saluran video saya sendiri tentang masakan berdasarkan blog ini. Ini ialah cara untuk mengucapkan terima kasih kepada pembaca blog saya yang banyak menyumbang kepada cerita-cerita tentang makanan.

- 21 Apakah minat penulis blog ini?
..... [1]
- 22 Apakah jenis makanan yang dijual di Restoran Mawar?
..... [1]
- 23 (a) Siapakah yang penulis jumpa di restoran itu?
..... [1]
- (b) Mengapakah dia gembira?
..... [1]
- 24 Bagaimanakah penulis mengambil peluang pertemuan itu? Beri **dua** jawapan.
(i)
(ii) [2]
- 25 Mengapakah nenek Cef Ramzi terkenal di kampungnya?
..... [1]
- 26 Cef Ramzi buat apa dengan resipi neneknya?
..... [1]
- 27 Bilakah penulis bercadang untuk memulakan saluran videonya sendiri?
..... [1]
- 28 Untuk siapakah penulis mengadakan saluran video ini?
..... [1]

[Total: 10]

Bahagian 3

Latihan 1 Soalan 29–33

Baca teks di bawah dengan teliti.

Tahun lepas, Maria menghabiskan masa cuti sekolahnya di Edinburgh dengan kakaknya yang bekerja di salah sebuah syarikat antarabangsa. Ini merupakan percutian pertama Maria pada musim sejuk. Kakaknya sudah sediakan pakaian tebal, sarung tangan dan juga kasut but. Semuanya kepunyaan kakaknya.

Boleh dikatakan bahawa cuaca di Edinburgh sentiasa sejuk. Pada mulanya, Maria tidak tahan kesejukan apabila keluar berjalan-jalan. Dia tidak sabar untuk pulang ke Singapura kerana waktu siang semakin pendek. Selepas dua minggu di Edinburgh, Maria sudah mendapat seorang kawan baharu, Adele.

Maria telah keluar ke kedai untuk membeli barang keperluan rumah. Itu adalah kali pertama dia keluar sendiri. Semasa Maria turun dari bas, dia tidak dapat mencari jalan pulang ke rumah kakaknya. Nasib baik seorang gadis sebaya dengannya, yang juga turun di perhentian sama, telah menunjukkannya jalan pulang. Namanya Adele. Kebetulan pula, Adele tinggal berdekatan dengan rumah kakak Maria.

Adele yang pernah bercuti di Singapura, sungguh mesra dan mempunyai minat yang sama dengan Maria. Mereka suka menghabiskan masa di muzium dan banyak membaca buku cerita.

Pada suatu hujung minggu, Adele membawa Maria untuk melihat beberapa buah tasik di Scotland, seperti Loch Ness yang terkenal dengan cerita dongeng naga bernama Nessie yang hidup di dalam tasik itu. Adele berkata semasa kecil, dia memang percaya ada naga di tasik itu.

Cuaca memang sejuk tetapi oleh kerana mereka banyak berjalan, kesejukan tidak dirasakan. Mereka menaiki kereta api dan pemandangan di sepanjang jalan amatlah cantik. Maria mengambil gambar sepanjang perjalanan mereka.

Pada akhir percutiannya di Scotland, Maria berasa sedih untuk meninggalkan kawan baiknya Adele dan juga negara Scotland dengan tempat-tempat yang menarik. Dia tidak sabar menunggu percutian Adele ke Singapura. Mereka sudah pun merancangkan perjalanan ke negara-negara jiran seperti Indonesia dan Malaysia.

Jawab soalan-soalan berikut dengan menandakan **BETUL** atau **SALAH**. Jika kenyataan itu **SALAH**, betulkannya berdasarkan teks di atas.

(Terdapat 2 kenyataan yang betul dan 3 kenyataan yang salah)

Contoh:

BETUL

SALAH

Kakak Maria bekerja dengan sebuah syarikat tempatan.

.....
Kakak Maria bekerja dengan sebuah syarikat antarabangsa.

BETUL

SALAH

29 Maria sudah pernah bercuti pada musim sejuk.

BETUL

SALAH

30 Maria mengguna pakaian tebal, sarung tangan dan juga kasut but kakaknya.

BETUL

SALAH

31 Maria tidak ada masalah mencari jalan pulang ke rumah kakaknya.

BETUL

SALAH

32 Adele membawa Maria mendaki gunung-gunung di Scotland.

BETUL

SALAH

33 Maria akan berjumpa dengan Adele lagi.

[Total: 8]

Latihan 2 Soalan 34–39

Baca e-mel di bawah dan jawab soalan-soalan berikutnya dalam **Bahasa Melayu**.

Diana,

Anak saudara saya, Aishah, akan pergi ke negara Jerman bulan depan untuk mengikuti kursus bahasa Jerman selama tiga bulan. Dia jarang pergi ke mana-mana seorang diri dan langsung tidak pernah pergi ke luar negara. Jadi, ibu bapanya agak khuatir. Mereka tahu saya ada kawan di Berlin, dan sebab itulah saya menghubungi awak untuk bertanya sama ada dia boleh tinggal di rumah awak.

Aishah baru berusia 16 tahun dan dia memang minat belajar bahasa. Pada mulanya dia belajar bahasa Arab, tetapi dia tidak mendapat guru yang baik untuk mengajarnya dan lama-kelamaan dia hilang minat untuk belajar bahasa Arab. Dia mula belajar bahasa Jerman di sebuah pusat bahasa di sini, dan saya rasa dia sungguh berminat. Dia sudah mula bercakap dalam bahasa Jerman.

Tahun lepas, keputusan peperiksaannya sangat cemerlang dan ibu bapanya berjanji untuk memberikannya hadiah. Dia ternampak iklan mengenai kursus bahasa Jerman yang intensif di sebuah kolej bahasa di Dresden, Jerman selama dua bulan. Inilah hadiah ibu bapa Aishah kepadanya.

Saya tahu dia akan mendapat banyak manfaat dan akan fasih bercakap bahasa ini kalau dia tinggal dengan sebuah keluarga Jerman. Saya rasa Aishah mungkin berminat untuk bekerja di luar negara selepas pengajiannya.

Semua urusan penginapan dan juga tempat kursusnya sudah disediakan. Walau bagaimanapun, kalau tidak silap, tempat kursusnya itu jauh dari Berlin. Dia akan tiba di Berlin pada 20 Mac dan kursusnya akan bermula seminggu selepas dia tiba.

Walaupun bagaimanapun, sebelum pergi ke Dresden, dia ingin sangat untuk bersiar-siar di kota Berlin. Maklumlah, ini ialah pertama kali dia akan berada di sebuah negara barat dan dia tahu tentang Berlin semasa belajar di sekolah. Selepas itu dia akan menaiki kereta api untuk pergi ke Dresden.

Jawab segera, ya!

Fatimah

- 34 Mengapakah ibu bapa Aishah kluatir? Beri satu jawapan.
..... [1]
- 35 Mengapakah Aishah hilang minat untuk belajar bahasa Arab?
..... [1]
- 36 Apakah hadiah ibu bapa Aishah kepadanya?
..... [1]
- 37 Bagaimanakah dia boleh fasih bercakap bahasa Jerman?
..... [1]
- 38 Mengapakah Aishah ingin meluangkan masa di Berlin? Beri **dua** jawapan.
(i)
(ii) [2]
- 39 Bagaimanakah Aishah akan pergi ke Dresden?
..... [1]
- [Total: 7]

BLANK PAGE

Permission to reproduce items where third-party owned material protected by copyright is included has been sought and cleared where possible. Every reasonable effort has been made by the publisher (UCLES) to trace copyright holders, but if any items requiring clearance have unwittingly been included, the publisher will be pleased to make amends at the earliest possible opportunity.

To avoid the issue of disclosure of answer-related information to candidates, all copyright acknowledgements are reproduced online in the Cambridge Assessment International Education Copyright Acknowledgements Booklet. This is produced for each series of examinations and is freely available to download at www.cambridgeinternational.org after the live examination series.

Cambridge Assessment International Education is part of the Cambridge Assessment Group. Cambridge Assessment is the brand name of the University of Cambridge Local Examinations Syndicate (UCLES), which itself is a department of the University of Cambridge.